

आकाशवाणी

खबरां जगमोहन शर्मा कोला

- प्रधानमंत्री नरेंद्र मोदी होरेंगी उज्बेकिस्तान दे सबनैं शा बड्डे सरकारी सम्मान आर्डर आफ ओलिया दारजली दोस्तलिक कन्नै सम्मानित कीता गेआ। मोदी होर उज्बेकिस्तान दे राष्ट्रपति शवकत मिर्जीयोयेव हुंदे नै दपकखी गल्लबात कीती।
- मन की बात कार्यक्रम च अज्ज मोदी होरें पी.एम स्वनिधि राहें महिला सशक्तिकरण गी उजागर कीता ते आखेआ कि 35 लक्ख कोला मतिएं महिलाएं एहदे शा फैयदा हासल कीता ऐ।
- प्रधानमंत्री नरेंद्र मोदी होरें मिशन शक्ति सैलाइ दा जिक्र कीता जेहदे राहें 108 मुल्खें थमां 12 जहार छात्राएं उपग्रैह तकनीक सिक्खियै नमिएं काहडें च दिलचस्पी दस्सी ऐ।
- नरेंद्र मोदी होरें नौजवानें, संगीतकारें ते कन्नो क्रिएरें गी आखेआ ऐ कि ओह नशामुक्त भारत अभियान दा प्रचार करन।
- नेपाल च आए दे हाडै करी मरोने आहलें दी गिनतरी 768 तगर पुज्जी गेई ऐ, ढाई जहार कोला मते लोक अजें बी लापता न।
- स्वर्ण रेखा नदी च पानी दा स्तर बधने कारण ओडिशा दे केई इलाकें च हाड दा खतरा तेज होई गेदा ऐ।
- एफ.आई.एच हाकी दे विश्व कप मकाबले दे खताबी मैच च अज्ज मजूदा चैंपियन जर्मनी दा मकाबला बेल्जियम कन्नै होग।

<><><><><><>

Modi-Award

प्रधानमंत्री नरेंद्र मोदी होरें गी अज्ज ताशकंद च उज्बेकिस्तान दे राष्ट्रपति शावकत मिर्जियोयेव होरें देसै दे सबनें शा बड्डे सरकारी सम्मानआर्डर आफ ओलि दरजाली दोस्तलिक कन्नै सम्मानित कीता। प्रधानमंत्री होरें एह सम्मान भारत ते उज्बेकिस्तान बश्कार लम्में चिरै थमां चलदे आवा'रदे निगगर सरबन्धें दे नमित करदे होई आखेआ जे भारत लेई एह सम्मान हासल करदे होई उनेंगी मती खुशी ते गौ मसूस होआ करदा ऐ।

<><><><><><>

PM-Uzbek Talks

प्रधानमंत्री नरेंद्र मोदी होरें उज्बेकिस्तान दे राष्ट्रपति शवकेत मिर्जियोयोव हुंदे कन्नै अज्ज ताशकंद च दपक्खी गल्लबात कीती। दौनें नेताएं राष्ट्रपति भवन च बपार ते निवेश रक्षा, डिजिटल संपर्क, उर्जा, शिक्षा ते लोकें मझाणै सरबन्धें दे खेतर च सहयोग दी समीक्षा कीती। एहदे शा पैहले प्रधानमंत्री मोदी होरें अज्ज उज्बेकिस्तान योग महासंघ दे इक योग कार्यक्रम च हिस्सा लैता ते मगरा उज्बेकिस्तान दे राष्ट्रपति हुंदे आवास पर पुज्जे जित्थे उंदा औपचारिक सोआगत कीता गेआ।

<><><><><><>

PM Delegation Level Talks

प्रधानमंत्री नरेंद्र मोदी होरें आखेआ जे भारत ते उज्बेकिस्तान अपने सरबन्धें गी व्यापक रणनीति सांझेदारी दे स्तर तगर बधा'रदे न। राष्ट्रपति शावकत मिर्जियोयेव हुंदे कन्नै प्रतिनिधिमंडल स्तर दी गल्लबात दरान अपने शुरूआती संबोधन च प्रधानमंत्री होरें

आखेआ जे दवें मुख्य उन्नत सांझेदारी दे ढांचे दे अंदर ठोस ते निश्चय कीते गेदे लक्ष्यें
गी लेइयै अगगे बधडन। प्रधानमंत्री मोदी होरें आखेआ जे दौनें देसें 3 सिस्तर सिपी ते
सिस्तर स्पो समझौतें गी बी औपचारिक रूप देआरदे न। मोदी होरें रणनीतिक सांझेदारी
दी 15मीं बरेगंड ते उज्बेकिस्तान दे स्वतंत्रता दिवस दी 35मीं बरेगंड दे मौके पर खुशी
जाहिर कीती। मोदी होरें पैहली सितंबर गी मनाए जाने आहले उज्बेकिस्तान दे स्वतंत्रता
दिवस दे मौके पर लोकें गी मबारकबाद बी दिती ऐ।

<><><><><><>

Add. Uzbekistan

प्रधानमंत्री नरेंद्र मोदी होरें इस सम्मान गी 140 करोड़ भारतीयें दा सम्मान दस्सेआ ऐ।
उनें आखेआ कि ओली दराजली दुस्तकिल दौनें सभ्यताएं बश्कार लम्में चिरै धोड़ी बनी
रौहने दी दोस्ती दा प्रतीक ऐ। मोदी होरें उज्बेकिस्तान दे अपने दौरे गी इक कामयाब ते
ऐतिहासिक दौरा दस्सेआ ऐ ते मेद प्रग कीती ऐ जे दवै मुख्य अपनी इस दोस्ती गी
लम्में चिरै तगर निभाडन।

<><><><><><>

PM-Kirgistan

उज्बेकिस्तान दा दौरा मकम्मल करने दे बाद प्रधानमंत्री हुनै कोला किश चिर बाद
किर्गिस्तान दी राजधानी बिश्केक पुज्जी जाडन। किर्गिस्तान दी दो दिनें दी जातरा दुरान
मोदी शंघाई सहयोग संगठन दे मिम्बर मुखें दे नेताएं कन्नै केई दपकखी बैठकां
करंगन। प्रधानमंत्री होरें पैहली सितंबर गी संगठन दे 26मैं शिखर सम्मेलन च बी
शामल होडन।

<><><><><><>

Prez.-NIFT

राष्ट्रपति द्रौपदी मुर्मू होर कल नमीं दिल्ली च नेशनल इंस्टीच्यू आफ फैशन टेक्नालजी दे सांझे दीक्षांत समारोह च शामिल होडन। मुख्य भरें दे 18 एन.आई.एफ.टी कैम्पसें थमां ग्रैजुएशन करने आहले विद्यार्थिएं गी अपनी डिग्री थोने ते संस्थान च अपनी पढ़ाई दे सफर दे समापन दा जश्न मनाने लेई सब्बै कल किट्ठे होडन।

<><><><><><>

PM-MKB

प्रधानमंत्री नरेंद्र मोदी होरें आखेआ जे नशामुक्त युवा विकसित भारत लेई अभिजान समूलचे देसै च तेजिया कन्नै अग्गे बदारदा ऐ। अज्ज आकाशवाणी परा मन की बात कार्यक्रम च श्री मोदी होरें इस गल्ला पर खुशी प्रग कीती जे नशामुक्त युवा ते नशामुक्त भारत शड़ी इक्क औपचारिकता नेई ऐ कीजे मते सारे लोक कोहदा करिये नौजोआन एहदा हिस्सा बना करदे न। प्रधानमंत्री होरें आखेआ जे नशे दी कवैतु कन्नै शड़ा इक्क जने पर गै गलत असर नेई पौंदा, सगुआं पूरे परोआर ते समाज गी बी एहदे माड़े नतीजे भुगतने पौंदे न। उनें नशे खलाफ जागरूकता फलाने ते नशे दे जाल च फसे दे लोकें दी मदाद ताई अग्गे औने आहले लोकें दी सराहना बी कीती। उनें आखेआ प्रधानमंत्री होरें आखेआ जे पीएम स्वनिधि योजना राय लखें महिलाएं गी नमां बल थोआ करदा ऐ। उनें आखेआ जे महिला सशक्तिकरण दे इस पहलू दी उन्नी चर्चा नेई होई जिन्नी के होनी लोड़चदी ही। श्री मोदी होरें आखेआ जे तकरीबन 46 प्रतिशत महिला पी.एम स्वनिधि योजना दियां लाभार्थी न। उनें आखेआ जे देश भर दियां

तकरीबन 35 लक़ख महिलां इस योजना कन्ने जुड़ियै अपना कम्म-रोजगार अगग बदार्दियां न। प्रधानमंत्री होरें आखेआ जे सफाई-सुथराई च इक्क खास गल ऐ, उनें आखेआ जिसलै कुसै थाहरे गी साफ सुथरा रखने दा संकल्प लोकें दा अपना संकल्प बनी जंदी ऐ ते उसलै उस थाहरै दी पंछान पूरी चाल्ली बदलोई जंदी ऐ। श्री मोदी होरें आखेआ जे अज्ज देसै दियें बेणियें दे सुखने दी डोआरी धरती थमां अंतरिक्ष तगर पुज्जा करदी ऐ। उनें गलाया जे भारत इस चाल्ली दे सुखने दिक्खने आहिलियें दुनिया दियें ज्हारें बेणियें गी कन्ने जोड़ा करदा ऐ। प्रधानमंत्री होरें आखेआ जे इस पहल दा नां मिशन शक्ति सैण ऐ। एहदे रायं 108 देसे दियां 12 ज्हार छात्राणं गी उपग्रह प्रौद्योगिकी सिखने ते नमियें काहडें आहले खेतर च अगगे बदने दे मौके थोआ करदे न। श्री मोदी होरें आंध्र प्रदेश च कडप्पा दे वरदराज ते तमिलनाडू च कोडाईकनाल दे चंद्रशेखरन दा जिक्र कीता जेड़े एवोकैडो दी खेती रायं बाद्दू कमाई करा करदे न। प्रधानमंत्री होरें आखेआ जे अगस्त दा म्हीना अपने कन्ने पेश भक्ति दे नेकां रंग लेइयै आया। उनें आखेआ जे राश्ट्री (हत्थकरघा) खड्डी दिवस ते भारत छोड़ो आंदोलन दी बरै गंड थमां लेइयै विभाजन विभीशिका समृति दिवस नै इस म्हीने गी ँकोहदा बनाया। श्री मोदी होरें आखेआ जे स्वतंत्रता दिवस ते राश्ट्री अंतरिक्ष दिवस नै हर नागरिक गी मान आहले पल प्रदान कीते। उनें आखेआ जे हर घर तिरंगा अभियान नै देशभक्ति दी भावना गी होर बी निगगर कीता। श्री मोदी होरें आखेआ जे वंदे मातरम दी 150मीं बरे'गंड कन्ने एह बःरा होर बी खास बनी गेआ। उनें आखेआ जे इस बारी 8 करोड़ शा बी बद्द तिरंगें कन्ने सैल्फी अपलोड कीती गई। प्रधानमंत्री होरें आखेआ जे औने आहले दिनें च भारत च जन्माण्मी ते विश्वकर्मा पूजा आहले त्यौहार मनाए जाडन। देयाली बी किश म्हीनें

च मनाई जाहग ते इंदे लेई तैयारियां रम्भ होई गेदियां न। उनें लोकें अगगे त्यौहारें दी इस रूतै च वोक्ल फार लोकल बनने दी अपील कीती।

<><><><><><>

Iseland

आइसलैंड दे मतदाताएं यूरोपीय संघ च शामिल होने आस्तै गल्लबात फही शुरू करने दे सरकार दे प्रस्ताव गी खारिज करी दिता ऐ। एहदे कन्नै गै यूरोपीय संघ दी सदस्यता गी लेइयै लम्में समें थमां चलदी आवा'रदी बैहस खत्म होई गई ऐ। देश दे राश्ट्री प्रसारक मूजब करीब 53 प्रतिशत मतदाताएं प्रस्ताव दे खलाफ मतदान कीता। जनमत संग्रह कल होआ हा। एह मतदान नेय समें च होआ जिसलै अमरीका दे राष्ट्रपति डॉनाल्ड ट्रंप गोआंडी देश ग्रीनलैंड पर नियंत्रण गी लेइयै बार-बार बयान देआ' रदे न। हालांकि, विरोधियें दा आखना ऐ जे आइसलैंड गी पैहले थमां गै यूरोपीय संघ कन्नै बाजार तगर पुज्ज ते शेंगेन क्षेत्र च मुक्त आओजाई ज्नेय महत्वपूर्ण फायदे मिला'रदे न। एहदे आस्तै उसी यूरोपीय संघ दी पूर्ण सदस्यता दी जिम्मेदारियां स्वीकार करने दी लोड़ नेई ऐ।

<><><><><><>

LG-SMVDSB

उपराज्यपाल मनोज सिन्हा होरें श्री माता वैश्वो देवी अस्थापन बोर्ड स्थापना दिवस समारोह ते श्री माता वैश्वो देवी गुरुकुल दे सलाना दिवस समारोह च किट्ठै गी संबोधित कीता। अपने संबोधन च एल.जी होरें शिक्षा च नैतिक मुल्लें-कर्तें ते साइंस दी बरोबरी पर बल पाया। श्री सिन्हा होरें आखेआ जे जिज्ञासा ज्ञान दा पहला दिया ऐ ते

शिक्षा कन्नै चरित्र, मानवता ते बिजन स्वार्थ आहली दया विकसित हुंदी ऐ।
उपराज्यपाल होरें सतत विकास ते पर्यावरण जागरूकता दे कन्नोकन्नी गुरुकुल च
नैतिक मुल्लें-कद्रें ते साइंसा इनोवेशन केंद्र सेवा ते समाज मुहिम सने औने आहले समें
च इस्तेमाल होने आहले कौशलें पर जोर देने दी अपील कीती।

<><><><><><>

Legal Metrology Rules

उपभोक्ता मामलें दे मैहकमे नै कनूनी मापतोल भारती मानक समें नियम 2026 गी
अधिसूचित करी दिता ऐ। इनें नियमें मताबक भारती मानक समें गी देस भरै च कनूनी
प्रशासनिक, बपारिक ते होर दुए सरकारी कम्में ताई इक्क बरोबर समें संदर्भ दे तौरा पर
इस्तेमाल कीता जाहग। इक बरोबर समें बैंकिंग ते डिजिटल भुगतान लैन-देन च सेई
समें दी शनाख्त करने, रेलवे ब्हाई अड्डे ते होर दुइयें परिवहन प्रणालियें च तालमेल दे
अलाव इमरजेंसी ते समें-संवेदनशील सेवाएं दे तालमेल च कारी दा साबत होग।

<><><><><><>

Nepal Flash Flood Toll

नेपाल च चानचक्क आए दे हाड़ कन्नै मरने आहलें दी गिनतरी बदियै 768 होई गई।
आपदा दे पंजमें ध्याड़े बी 2 ज्हार 500 शा मते लोक लापता न। बचा दल लापता लोकें
दी तपाश ते फसे दे लोकें गी बचाने च जुणे दे न। विदेश मंत्रालय दे प्रवक्ता रणधीर
जायसवाल होरें दस्सेआ जे हाड़ मगरा नेपाल च अजें तगर 149 भारती नागरिकें गी
बचाया गेआ ऐ। उनें सोशल मीडिया पोस्ट पर दस्सेआ जे पहले लापता तकरीबन 50
भारती नागरिकें कन्नै परतियै संपर्क होई गेआ ऐ। विदेश मंत्रालय नै दस्सेआ जे 275

भारती नागरिक अर्जे बी लापता न जिल्ले के दुए देसैं दी नागरिकता रखने आहले तकरीबन 128 भारती मूल दे लोक लापता न। भारत हाइ कन्नै प्रभावित नेपाल दी लगातार मदाद करा कदा ऐ। भारत नै 68.5 ँन राहत सामग्री, तपाश ते बचाव अभियान च मदाद ताई ंक्नीकल िमां, फोरेंसिक माहिर ते लोइचदियां मशीनां ते ओजार बी भेजे न। विदेश मंत्रालय नै एक्स पर पोस् कीता ऐ जे 11 ँन राहत सामग्री लेइयै चौथी डोआरी अज्ज नेपाल च उतरी। काठमांडू च भारती दूतावास नै कल इक्क बयानै च आखेआ जे भारत नै नुवाको जिले दे हाइ प्रभावित त्रिशूली इलाके च हाईड्रोपावर सुरंग च तपाशी ते बचाव अभियान ताई मशीनें ओजारें दे अलावा सुरंग माहिरें सने इक्क ंकोहदी ंक्निक्ल िम भेजी ऐ।

<><><><><><>

WHO Nepal Help

विश्व सेहत संगठन नै नेपाल च आए दे जबरदस्त हाइ सवां प्रभावित लोकें गी तुरत सेहत सेवां ते जरूरी राहत पजाने लेई दक्खन पूर्व एशिया क्षेत्र सेहत आपदा कोष थमां 1 लक्ख 50 जहार अमरीकी डालरें दी माली सहायता दिती ऐ। डब्ल्यूडचओद दे दक्खन पूर्व एशिया क्षेत्रीय दफ्तर दे प्रभारी डा. निलेश बुद्ध होरें आखेआ जे इस इमरजेंसी कोष चा तुरत राशि ते सेहत सेवाएं गी मजबूत करने च मदद थहोग।

<><><><><><>

Flood-Threat Odisha

ओडिशा दे उत्तरी खेत्रें च हाइ दा नमां खतरा पैदाहोई गेदा ऐ। उप्रोतली जारी बरख करी स्वर्ण रेखा नदी च पानी दा स्तर तेजिया कन्नै बधै करदा ऐ जेहदे कन्नै इलाके च त्रीस

बारी हाड़ औने दी शेंका पैदा होई गेदी ऐ। तोआई झारखंड च बड़ी मती बरखा बरने कारण गालडीह डैम दे 6 गो॥ खोल्ली दित्ते गेदे न जेहदे कारण इस पानी दे हेठली बक्खी जाने कारण बालासोर दे झिगड़े इलाके च हाड़ दा संक॥ होर बधी गेदा ऐ।

<><><><><><>

Men's FIH Hockey

एफ.आई.एच मर्दे दे हाकी विश्व कप 2026 दे खताबी मकाबले च मौजूदा चैंपियन जर्मनी दा मकाबला अज्ज संझा'लै बेल्जियम च स्पेन कन्नै होग। मैच भारती समें मताबक रातीं 8 बजे थमां खेड्डेआ जाहग। जर्मनी दी टीम 2023 च जिती दी अपनी ट्राफी गी अपने कोल गै रखदे होई चौथा खताब अपने नां करने दी पूरी कोश॥ करग। तोआई, स्पेन बी अपना पहला हाकी विश्व कप खताब जितने च कोई कसर बाकी नेई रक्खग।

<><><><><><>